



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 44. Joannes Leconomanta Patriarcha Constantinopolitanus.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Tam inhumano novoque supplicio Sæculum IX.  
 tolerato traduntur in carcerem, vultu A. C. 833.  
 adhuc sanguine stillante. Deinde Joanne Patriarcha consilium suggerente mittuntur in exilium Apameam in Bithynia, ubi Theodorus haud multo post tempore senectute & morbis fractus obiit, cumque Imperator prohibuisset, ne eorum corpora sepulturam consequerentur, Theophanes defuncti frater corpus in post. Th. lib. 3. 15.  
 arca lignea asservavit, hymnosque in eius laudem concinnavit; quippe, ut illa ferebant tempora, Poeta erat celeberrimus. Michael Syncellus quoque ex Ecclesia Jerosolymitana comprehensus, & diu in carcere cum aliis Monachis detentus.

## §. XLIV.

*Joannes Leconomanta Patriarcha  
 Constantinopolitanus.*

Joannes Leconomanta Antonio Sylæo Th. p. 301.  
 in Sede Constantinopolitana anno Theophili octavo salutis octingentesimo trigesimo sexto (\*) successerat, seditque S. Nic. Chro.  
 annis sex, dictus contemptim a Catholicis *Jannes*, quod nomen uni ex Magis Pharaonis fuerat. Joannem Michael Sup. Lib. XLVI. §. II Bal. S. 43.

(\*) Hic Cardinalis Baronius & Fleurius tam in anno quam in Successione Episcoporum discrepant.



Sæculum IX. Balbus Imperator sibi carissimum, quod  
 A. C. 833. Hæresi suæ faveret, essetque doctissimus,  
 præceptorem dedit Theophilo filio suo,  
 qui eum Syncellum & tandem Patriar-  
 cham creavit. Is Theophilo suis præsti-  
 giis imposuisse fertur, præsertim illo do-  
 lo, quem narrant in hunc modum: Cum  
 ferox Barbarorum natio sub tribus Du-  
 cibus Romanorum fines infestaret, &  
 hæc res Theophilo Imperatori sollicitu-  
 dinem incuteret, ipsum Leconomantia  
 ea industria metu liberavit. Stabat in  
 Circo statua triceps ex ære. Ille viros  
 tres robustissimos, singulos prægravem  
 malleum habentes ad hanc statuam ve-  
 nire jubet, & ipse sub medium noctis  
 vestem sæcularem indutus adest. Tum  
 tenui murmure magica carmina pronun-  
 ciat, quibus trium Ducum inimicorum  
 potentiam & fortunam in hæc tria unius  
 statuæ capita transferri posse credebatur.  
 Mox præcipit viris, ut singuli singula ca-  
 pita cunctis viribus collectis eodem mo-  
 mento percuterent. Duo capita com-  
 minuta ceciderunt, tertium in alteram  
 partem inclinatum, sed a corpore peni-  
 tus non est avulsus. En vero! Impæ-  
 rii hostes subortis rixis dividuntur, &  
 collatis signis duo Duces vincuntur a  
 tertio, qui & ipse accisis viribus tergum  
 dare cogitur.

*Sim. Ma-*  
*gift. n. 12.*  
*2. Tim. 2. 8.*  
*post. Th. 1. 4.*  
*n. 7.*



In illorum temporum Historia ejus-  
 modi facta occurrunt plurima, unde sa-  
 tis exploratur, Græcos Magicis carmini-  
 bus, & præstigiis fidem adhibuisse.

Sæculum IX.  
 A. C. 833.

Arfaber Patricius Joannis Patriarchæ  
 frater, cujus non levis in Regia erat au-  
 ctoritas, arcem ruri habebat in littore  
 Ponti Euxini haud procul ab urbe posi-  
 tam, quo Patriarcha sæpe divertebat.  
 Is porro ferebatur sub fratris domo jus-  
 sisse terram fodi, & aulam commodissi-  
 mam construi, ad quam arcanus aditus  
 erat, atque in hoc Palatium subterra-  
 neum mulieres forma præcipuas & etiam  
 Moniales structis insidiis deceptas per-  
 duci curasse, quibus ad Venerem nefan-  
 dam, quantum vellet, abuteretur, cum  
 iisdem vacasse magicis artibus, anima-  
 lium jecur & labra aquis plena aut mor-  
 tuos, quos revocabat, ut oracula ede-  
 rent, consuluisse. Talis fuit Joannes  
 Patriarcha, hujus nominis sextus.

n. 8.

§. XLV.

*S. Methodius persecutionem pa-  
 titur.*

Methodius Confessor e carceris sui se-  
 pulchro paulo ante mortem Michae-  
 lis Balbi evocatus prodiit similis homini,  
 ab inferis redeunti, calvam crinibus  
 nudam habens, & præter pellem & ossa  
 nulla corporis parte constans. Constan-

Sup. Lib.  
 XLVI. §. 45  
 vit. c. I. n. 6.

*Hist. Eccles. Tom. XI. X tino-*